

# 國醫學粹卷三證論

## 目錄

### 第一章

證論總論

#### 第一節

八氣化證圖說

#### 第二節

八氣陰陽變化說

#### 第三節

五臟變化百證說

### 第二章

寒熱總論

#### 第一節

寒熱之種類

#### 第二節

辨寒熱法

#### 第三節

辨寒熱虛實真假法

#### 第四節

寒熱之症治(附風濕燥火)

#### 第五節

寒熱引經

#### 第六節

惡寒之症治

#### 第七節

惡寒引經

#### 第八節

發熱之症治

#### 第九節

發熱之引經

### 第三章

胸腹脅腰痞滿堅鞭痛腫脹總論

第一節 痞滿堅鞭之病因

第二節 痞滿堅鞭之診斷

第三節 痞滿堅鞭腫脹之症治

第四節 胸腹脅腰痞滿鞭痛腫脹之引經

第四章 頭項頸背身體四肢急強疼痛總論

第一節 急強疼痛之病因

第二節 急強疼痛之診斷

第三節 頭身手足急強疼痛症治

第四節 急強疼痛之引經

第五章 頭身下重總論診斷症治

第一節 頭身下重引經

第六章 頭目暈眩身動總論診斷症治

第一節 頭眩引經

第七章 麻痺懈惰痿軟死肌總論診斷症治

第一節 麻痺懈惰痿軟死肌引經

第八章 臥眠寐睡總論

第一節 臥眠寐睡之診斷

第二節 臥眠寐睡症治

第三節 臥眠寐睡引經

第九章

煩躁懊懣譫語顛狂總論

第一節

煩躁懊懣譫語顛狂之診斷

第二節

煩躁懊懣譫語顛狂之症治

第三節

煩躁之引經

第四節

譫語之診斷

第五節

譫語之症治

第六節

譫語之引經

第七節

顛狂

第十章

驚悸喜忘恍惚總論

第一節

驚悸症治

第二節

悸症引經

第三節

喜忘引經

第四節

恍惚引經

第五節

驚症引經

第十一章

欬嗽總論

第一節

欬嗽之診斷及症治

第二節

欬嗽引經

第三節

噴嚏

第四節

噴嚏引經

第十二章

氣喘上氣總論

第一節

氣喘上氣之診斷

第二節

氣喘之症治

第三節 氣喘引經

第四節 氣上衝症治

第五節 氣上衝引經

第六節 氣息之症治

第七節 氣息引經

第八節 短氣症治

第九節 短氣引經

第十節 少氣症治

第十一節 少氣引經

第十二節 喜欠症治

第十三節 喜欠引經

第十三章 痰飲膿帶濁總論及診斷

第一節 痰飲膿帶濁之症治

第二節 痰飲涎沫引經

第十四章 小便癰利總論

第一節 小便之原因

第二節 小便之診斷

第三節 小便之症治

第四節 小便之引經

第十五章 汗之總論

第一節 汗之原因

第二節 汗之診斷

第三節 汗之症治

第四節 汗之引經

第十六章 遺精總論

第一節 遺精診斷症治  
第二節 遺精引經

第十七章 血症總論

第一節 失血之原因  
第二節 失血之診斷  
第三節 血之症治  
第四節 失血之引經

第十八章 大便堅輭總論

第一節 大便堅輭之診斷  
第二節 大便堅輭之症治

第三節 大便之引經

第十九章 口渴總論

第一節 口渴之診斷  
第二節 口渴之症治

第三節 口渴之引經

第二十章 嘔噦噫腸鳴失氣總論

第一節 嘔噦噫腸鳴失氣診斷  
第二節 嘔之症治  
第三節 噦之症治  
第四節 噫氣

第五節 腸鳴

第六節 失氣

第七節 嘔噦噫腸鳴失氣之引經

第二十一章 吐逆總論

第一節 吐之診斷

第二節 吐之症治

第三節 吐逆引經

第二十二章 下利總論

第一節 下利之診斷

第二節 下利之症治

第三節 下利引經

第二十三章 飲食總論

第一節 飲食之診斷

第二節 飲食之症治

第三節 飲食引經

第二十四章 舌胎總論

第一節 舌胎之種類

第二節 舌胎之診斷

第三節 舌胎之症治

第四節 舌胎引經



第二十五章 口之總診

第一節 口之診斷

第三節 口之引經

第二節 口之症治

第二十六章 咽喉總論

第一節 咽喉之診斷

第三節 咽喉之引經

第二節 咽喉之症治

第二十七章 目之總論

第一節 目之診斷

第三節 目之引經

第二節 目之症治

第二十八章 鼻之總論

第一節 鼻之診斷

第三節 鼻之引經

第二節 鼻之症治

第二十九章 耳之總論

第一節 耳之診斷

第二節 耳之症治

第三節 耳之引經

第三十章 前後陰總論

第一節 前陰之診斷

第二節 前後陰之症治

第三節 前後陰之引經

第三十一章 面部總論

第一節 面部之診斷及症治

第二節 面部望色引經

第三十二章 全體論總

第一節 身體各部診斷及症治

第二節 身體各部引經



國醫學粹

卷三 證論

閩杭包識生先生著

男天白孫應<sub>方</sub>校字<sub>昌</sub>

第一章

證論總論


診脈之後。專憑問證以定其病。若審證不明。則表裏寒熱虛實之病莫辨。往往誤涼以爲熱。改攻以爲補。實實虛虛。死生頃刻。夫症候雖多。不外寒熱之所化。藏府之所生也。是篇以溫煖熱灼清冷寒厥八氣之旋轉。爲造作諸症之原料。蓋諸症之發生。亦必藉寒熱而現也。分有形有象之症屬於腎水。有形無象之症屬於肝木。無形無象之症屬於心火。無形有象之症屬於肺金。兼形兼象之症屬於脾土。各有相反太過不及。合之爲五。分之爲十五。散之爲百。化之爲千。總不離五藏之表裏寒熱虛實也。

第一節


八氣化證圖說

東方第一層、肝木反收之症圖。二層、肝木太過之症圖。三層、肝木不及之症圖。南方第一層、心火反藏之症圖。二層、心火太過之症圖。三層、心火不及之症圖。西方第一層、肺金反生之症圖。二層、肺金太過之症

# 圖竅九體軀



# 圖藏五證化氣八



圖。三層、肺金不及之症圖。北方第一層。腎水反長之症圖。二層、腎水太過之症圖。三層、腎水不及之症圖。中央第一北脾土不及之症圖。第二東脾土太過之症圖。第三南脾土太化之症圖。第四西脾土不化之症圖。中央脾土自化圖。

## 第二節

### 八氣陰陽變化說

夫天有二十四氣。地有八方。陰陽往來。寒熱輻輳。人亦應之。故冬至一陽生。陽氣漸升。立春而天氣溫。春分而天氣煖。立夏而天氣熱。夏至而天氣灼。升極而降。故夏至一陰生。陽氣漸降。立秋而天氣清。秋分而天氣冷。立冬而天氣寒。冬至而天氣厥。降極而又復升也。

夫陽升則陰降。陰降則陽升。一往一來。百症變化矣。溫煖者。肝木之生氣也。熱灼者。心火之長氣也。清冷者。肺金之收氣也。寒厥者。腎水之藏氣也。合五氣于中宮。脾土之化氣也。溫清者。生殺之機也。煖冷者。金木之本也。寒熱者。陰陽之變也。厥灼者。水火之極也。左爲陽。溫暖熱灼皆陽也。右爲陰。清冷寒厥皆陰也。溫爲陽。陰多而陽少。清爲陰。陰少而陽多。煖爲陽。陰陽俱各半。冷爲陰。陰陽兩平均。熱爲陽。陽多而陰少。寒爲陰。陽少而陰多。灼爲純陽而無陰。厥爲純陰而無陽。故陽氣強而陰氣弱。形化而象生。陽氣少而陰氣多。形成而象滅也。

## 第三節

### 五藏變化百症說

夫東方者。肝木也。木性曲直。喜達而惡鬱。鬱則血凝而病作。故症屬於有形無象也。南方者。心火也。火性

炎上。喜通而惡結。結則神散而病作。故症屬於無形無象也。西方者。肺金也。金性從革。喜鎮而惡浮。浮則氣逆而病作。故症屬於無形有象也。北方者。腎水也。水性潤下。喜靜而惡動。動則精流而病作。故症屬於有形有象也。中央者。脾土也。土性稼穡。喜運而惡積。積則意約而病作。故症屬於有形無形有象無象也。夫肝木欲生而反收。則結爲痞滿。堅鞭積聚。馨氣癥瘕。腫脹矣。若生氣太過。則發爲重眩暈。瞤動急強拘攣。癢疼痛矣。若生氣不及。則消爲癱痺。懈惰死肌。痿軟痿躄。偏枯矣。心火欲長而反藏。則斂爲臥眠。寐睡癡呆矣。若長氣太過。則煥爲煩燥。心亂懊懣。譫語癲狂矣。若長氣不及。則伏爲恍惚。喜忘怔忡。悸憤恐驚矣。肺金欲收而反生。則發爲噴嚏咳嗽矣。若收氣太過。則逆爲上氣喘促。哮矣。若收氣不及。則散爲太息欠伸。短氣矣。腎水欲藏而反長。則壅爲痰飲。水腫帶濁矣。若藏氣太過。則縮爲癰閉。淋瀝矣。若藏氣不及。則洩爲出汗。遺尿流涎。淚泣失精。脫血矣。脾土欲化而反收。則積爲噎噤。嘔噦雷鳴失氣矣。若化氣反長。則爲消渴矣。若化氣反生。則爲便難燥屎矣。若化氣反藏。則爲吐利矣。此爲五藏變化百症之源也。

## 第二章

### 寒熱總論

寒熱之在人身也。乃陰陽之表顯耳。寒熱平均。不寒不熱爲平人。一有偏勝則病。過高則危。高極低極皆死。是則寒熱之關於人之性命也大矣。夫陰陽者。寒熱之性也。氣血者。寒熱之體也。水火者。寒熱之變也。



故病人身體強健者。氣血皆旺。病發時。寒熱皆盛。病人身體衰弱者。氣血亦衰。故病發。寒熱亦輕也。又初病時。氣血未衰。寒熱亦盛。病久。氣血已衰。故寒熱亦微也。所以醫者之治病。必審寒熱之盛衰。以爲斷。太過則抑之。不及則扶之。務使其人體寒熱平均而後已。

## 第一節

### 寒熱之種類

按寒熱之種類甚多。有輕有重。今以溫煖熱灼清冷寒厥八字。定其高低強弱之程度。溫清寒熱之和者也。不過人身微有感覺。未至不快。不能稱爲病也。至冷煖之候。始覺身體不舒。冷則欲加衣。煖則思去服。雖人體感覺不舒。衣服加減之後。氣血強壯之人。或不至病。然亦有卽此起病而發熱者。亦有卽此冷煖未成寒熱而爲輕病者。雖不能說有寒熱。但其人衣服反常。是極輕之寒熱。總覺身體有不快之感覺。則已入病態之途者也。至已成寒熱。則病進矣。身必重裘。肌必發熱。諸症蜂起。若寒熱加甚。則變爲灼熱與厥冷矣。病至灼厥。已入危途。不亟治則有死亡之兆也。是則冷煖屬輕病。寒熱屬重病。溫清則安。灼厥則危。此爲辨寒熱者不可不知者也。

## 第二節

### 辨寒熱法

按辨寒熱法。西醫用熱度表。國醫用手掌。熱度表雖能毫釐不爽。但祇能辨寒熱之高低。不能辨寒熱之虛實。亦祇能辨全身。不能辨局部。若用手掌。又能辨其虛實。並可辨其局部。如掌心熱。額心熱。四肢寒熱。外症熱不熱。皆可一按而知。又以吾人之經驗。往往熱度表至百零四五度者。國醫常用薑附治之。即愈。亦有熱度表並無高熱。而用藥當用大涼大瀉者也。是則國醫之喜用熱度表者。反誤病機。以高度之熱。即以涼劑治之。能不憤事乎。

## 第三節

### 辨寒熱虛實真假法

寒熱何爲虛實。虛者空虛也。實者結實也。寒熱之在身體外表皮膚。體內藏府無寒熱者。名曰虛也。若寒熱在體內藏府筋絡間。名爲實也。以體內實滿寒熱故名也。其在體外皮膚間之寒熱。體內並無寒熱者。是外有內無。故名空虛也。若人體外有寒熱。內無寒熱。其寒熱無本。手按之似覺甚熱。按久則熱無繼續力。熱在皮膚。則病人之體與醫者之手。熱度平等。不覺其熱矣。此即所謂虛熱也。若病體肌肉藏府俱熱。則醫者手按之甚熱。按久更覺其熱由內發出。有繼續力。有灼手之象。是所謂實熱也。又病人體有寒熱。病者自己不覺有寒熱。及神智清明者。是虛寒虛熱也。若病人自覺甚寒甚熱難忍。及神智昏迷者。是實寒實熱。在藏府在腦髓也。又病人體熱。厚其衣被者。是真寒假熱也。身熱不欲衣被者。是真熱實熱也。病



人身不熱或冷。及四肢冷而不欲衣被者。是真熱實熱假寒也。卽所謂熱厥是也。又病人身熱。舌胎滑膩或薄。不絳。不乾燥者。及小便清長。或黃而長且多次者。或大便泄瀉者。或脈弱無力及遲微不弦數者。皆虛熱也。若病人身微熱。或無熱。或冷。而心煩燥。舌乾紅絳。口燥咽乾。尿短赤。便堅。或大小便熱甚者。皆真熱實熱也。是假寒真熱也。此辨病人之寒熱虛實之法。不可不細察者也。

## 第四節

### 寒熱之症治

（附風濕燥火）

夫人身之所以有寒熱者。邪氣與正氣交戰而作也。實爲正氣抵抗外邪之利器也。正氣旺者。一度寒熱而病卽除。若邪氣勝者。雖多日寒熱。而病日盛。必至氣血衰敗。死而後已。由是觀之。寒熱之關乎人之生命也大矣。按醫者之投藥。實助寒熱之敵邪。當以順水推舟之法。切不可助桀爲虐。以摧殘氣血。故同是一病。古人治以陰陽表裏寒熱虛實之八法。卽以安正驅邪爲宗旨者也。大凡人體寒熱之輕重。全在正氣邪氣二方之勝負而定之也。正氣旺者。感邪時寒熱必重。正氣衰者。寒熱必輕。此爲人身生病之素因。有多少故也。若正氣旺者。所感之邪甚輕。其寒熱亦必甚輕。若正氣衰者。所感之邪甚重。其寒熱亦必甚重。以其邪輕。正氣之反動力亦輕。邪重。正氣之反動力亦重故也。

『有寒有熱』以外感爲最多。內傷次之。雜病則甚少。無論內傷虛損外感六淫。或各種雜病。及一切外

症。若病已有寒熱。其病必不輕。且變端百出。病必日甚一日。有病起時無寒熱。而後始有寒熱。更當注意之也。

故凡病總以無寒熱。或輕寒熱爲佳。間亦有欲其有寒熱者。如痧痘初起。及一切內病傳外諸症。藉此寒熱可使內達外透之意。其他總不相宜。尤以內傷及各種急性傳染病爲更忌有寒熱者也。

『無寒無熱』其病必輕。其症必順。無論何病。雖累年累月。總不致礙及生命也。雜病多無寒熱。以其未傷根本故也。縱患危急諸症。若無寒熱或輕寒熱。亦不必擔憂也。

『忌寒忌熱』忌寒忌熱者。冷亦不好。熱亦不宜。未冷先憎。未熱先畏。溫藥不受。涼劑難投。是血氣已衰。藏府虛弱。身體無此抵抗能力。已入勞損之途矣。雖無勞損諸症。皆屬身體虛弱可知。若此者。非耐心調治。萬難轉弱爲強也。

『惡寒發熱』惡寒。身怕冷。欲加衣覆被而始安也。發熱。肌膚作燒甚熱也。惡寒發熱。又稱形寒肌熱。大致因外感六淫而發者居多。尤以傷寒中風爲必見之症。其他外症。亦有見之者。如癰疽、疔毒、喉症、痧痘等。初起時亦多有惡寒發熱之症。若雜病虛勞而見寒熱者。病已入於危途矣。然惡寒發熱。雖有輕重虛實之不同。用藥有寒熱虛實之各異。總以表散爲最多。惟虛損與雜病。若見寒熱者。及寒熱已退而復發者。用他種對症治法外。若外感身有寒熱。總以惡寒爲主症。雖至十餘日或多日。皆當發表爲宜。按惡寒

屬皮膚表病。外邪初感。卽起寒熱。仲師列爲太陽主症。有惡寒在。始終用表劑也。但惡寒初作。病者覺冷。卽是惡寒。至其發熱後。或病人加衣後。有仍惡寒者。有不甚惡寒者。或不惡寒者。醫者問症時。病者往往答以不惡寒。其實加衣覆被。不覺其寒矣。醫者不可信之。當觀其衣被之厚薄。以定其惡寒之輕重。若以病者答言不惡寒爲信。則失却表解之機矣。此爲醫者切當注意者也。若已真不惡寒。邪已傳經或化熱。則病者之衣被必薄。或有寬衣棄被之舉。且現惡熱形狀。始可認其爲不惡寒也。已不惡寒。祇存發熱。病屬陽明經矣。故以惡寒爲太陽主症。惡熱爲陽明主症。往來寒熱爲少陽主症也。又按未服表散之前。惡寒者。故以表劑爲主。若已服表劑或多服表劑後。而仍惡寒不止。或惡寒更甚者。則又當禁用表劑。而用固正之眞武一類也。

夫六淫外感。無有不惡寒發熱者。風寒初起。更以寒熱爲主症。故內經稱爲熱病。仲景名曰傷寒。皆以主症定名者也。且外感之寒熱。是並發症。若已但寒不熱。或但熱不寒。及往來寒熱。則傳化他經。而作他經治法矣。按惡寒發熱症。在日夜如是。無分離間歇之時。間亦有

『乍寒乍熱』者。一名忽寒忽熱也。以外感初起。病勢未盛。邪正相爭。故現乍寒乍熱之狀。外症及時行病初起。亦多有乍寒乍熱者。當與惡寒發熱之表症一類看也。尤以外科初發更多見。乍寒乍熱乃將醞釀作膿之候。又名陣寒陣熱是也。有病起時卽